

S JO-Lager hät au das Jahr zur gwohnte Ziit uf ä Stoos statt gfunde. Doch gwüssi Sache sind nöd gsi wie immer, z.B. händ mir s erste mal s Vergnüege gha, mit äm neue, gheizte Sässeli dä Klingestock duruf zfare. Isch also scho ganz äs anders gefühl. Au di ersti Abfahrt isch äs Erläbnis, für di eintä positiver für di anderä negativer. Ich würd säge, all wos nanig kännet müend das unbedingt mal teste. Sust chani eu nöd extrem viel zum Lager verzellä. Mir sind mit 24 Persone sit langem wiederämal ä richtig grossi Truppe gsi. 3 händ sich ahgmäldet obwohl sie nöd bzw. nanig im Skiclub sind. Eusä Wellness Abig isch das Hight Light gsi, ihr müend nur d Föteli ahluége, dänn wüset ihr vo was ich redä. Allgemein würd ich säge, äs isch eis vo dä beste, wänn nöd s Best JO-Lager gsi, womer gmacht händ. Ich hoffe, dass das di nöchste Jahr so wiitergaht und immer äs bitzeli topt wird. I dem Sinn äs guets Jahr und bis zum nöchst Lager...

